



NUMER  
PORACIO  
LOCAIS

tendo como sanción, tal como recolle o artigo 34 b): "Para infracciones graves: multa entre 750,01 e 1.500€". Tendo en conta que en moitos lugares ainda aparecen xunto aos carteis das eleccións xerais, os das pasadas eleccións municipais, entendemos que sobre todo estes dous partidos son reincidentes á hora de cometer este tipo de infracción. A Ordenanza municipal califica no artigo 33 d) como infracción moi grave "A reincidencia na comisión de faltas graves", tendo como sanción (artigo 34-c) "multa entre 1.500,01 e 3.000€"

Dende AER temos que recoñecer que nós tamén incumprimos esta Ordenanza nas eleccións municipais deste ano, pois descoñecíamos esta Ordenanza; ainda que iso non nos exime de culpa. Asumimos o erro. O que si é certo é que AER procurou eliminar, pasadas as eleccións, toda a cartelería dos lugares públicos onde fora pegada.

Por todo o anteriormente exposto, rogamos ao alcalde que:

- 1) Inste a tódolos grupos políticos a cumplir esta ordenanza.
- 2) Esixa a limpeza inmediata dos diferentes espazos públicos afectados pola propaganda electoral.
- 3) De non facerse a correspondente limpeza, tramite as denuncias pertinentes ameazando coas multas recollidas na Ordenanza.
- 4) Nas vindeiras eleccións dote a todas as parroquias da vila de taboleiros onde se poida pegar a propaganda electoral, disuadindo así de que se peguen en calquera sitio, como farolas, contentores do lixo ou paradas do autobús.
- 5) Sanción inmediata ao partido que non compra a normativa nas vindeiras eleccións, sen a necesidade dun aviso previo.

### 3º ROGO, sobre FEIRAS

Dende AER consideramos que as feiras que se organizaron ultimamente no noso concello, a Feira de Oportunidades e o Encontro de Sementes, foron experiencias de grande interese e con un grande éxito. Cumpre felicitar aos organizadores, e aos membros do equipo de goberno que facilitaron a súa realización. Desexamos que estas feiras teñan continuidade, e que se fagan cada fin de temporaña, con carácter trimestral (fin do verán, do outono, do inverno e da primavera). Tamén consideramos que o feito de facelas coincidir xeneraría sinerxias que beneficiarían aos colectivos locais que participan: os comerciantes e os produtores.

Para que isto sexa posible, rogamos ao equipo de goberno que se poña en contacto cos organizadores dos dous eventos, e constitúan un equipo de traballo conxunto pra darlle continuidade a estas feiras, que repercutiron positivamente sobre colectivos socioeconómicos deste Concello.

E, non sendo outro o obxecto da presente sesión, pola Presidencia dase por rematado o acto, sendo as vintetres horas e trinta minutos do día expresado no encabezamento de todo o que como Secretaria dou fe.-

Nº 22/2011

SESIÓN ORDINARIA CELEBRADA POLO PLENO DO CONCELLO O DÍA 29 DECEMBRO 2011

### ORDE DO DIA

1. APROBACIÓN, SE PROCEDE, DA ACTA DA ÚLTIMA SESIÓN.
2. DAR CONTA DE EXPEDIENTE DE MODIFICACIÓN DE CRÉDITO.



( Selo da Corporación )

( Sinatura do Presidente )

Folio N.º .....

Serie A N.º 1179531

3. ADOPCIÓN ACORDO SOBRE EXPROPIACIÓN PARA OBRA CAMIÑO DE COSTOIA.
4. ADOPCIÓN ACORDOS SOBRE RECTIFICACIÓN FIANZA KIOSCO.
5. ADOPCIÓN ACORDOS SOBRE CONVENIO COA DEPUTACIÓN PROVINCIAL PARA REFORMA PAVILLÓN CHAPELA.
6. ACTIVIDADES DE CONTROL DE PLENO.
- 6.1 DAR CONTA RESOLUCIÓNNS DA ALCALDÍA
- 6.2 MOCIÓNNS
- 6.3 SOLICITUDE DE COMPARÉCENCIA
- 6.4 ROGOS E PREGUNTAS

Na Casa do Concello de Redondela, sendo as vinte horas do día vintesete de outubro de dous mil once, baixo a Presidencia do Alcalde, JAVIER BAS CORUGEIRA e a asistencia dos/as concelleiros/as seguintes: MIGUEL ANGEL ALVAREZ BALLESTEROS, JOSE ALBERTO PAZOS COUÑAGO, MARIA TERESA PARIS BLANCO, ANA MARIA ALONSO ALONSO, JESUS CRESPO LOPEZ, MARIA JOSE BARCIELA BARROS, ERMINDA QUELLE FERNANDEZ, ARTURO GONZALEZ BARBEITO, CANDIDO VILABOA FIGUEROA, EDUARDO JOSE REGUERA OCAMPO, LUIS ALBERTO ORGE MIGUEZ, ANTONIO CABALEIRO MILLARES, LETICIA GONZÁLEZ GUISANDE, ANTONIO VÁZQUEZ SACO, LEONARDO CABALEIRO COUÑAGO, JOSE GARCÍA MÍGUEZ, DIGNA ROSA RIVAS GÓMEZ, CECILIA PÉREZ ORGE, XOAN CARLOS GONZÁLEZ CAMPO e JORGE VARELA COUÑAGO

Asistidos pola Secretaria da Corporación, Ana Begoña Merino Gil, e máis polo Interventor, Angel Santamariña Ribera.

#### INCIDENCIAS

Con carácter previo ao tratamento dos asuntos incluídos na Orde do Día a Corporación, garda un minuto de silencio en lembranza das vítimas da violencia de xénero.

O Alcalde fai constar, en relación a certas alusións dunha persoa do público para cun dos funcionarios que asisten ao pleno na última sesión, que están a facer un esforzo para que os plenos cheguen á ciudadanía e facilitar os medios para que así sexa celebrando as sesións no Multiusos, permitindo a grabación televisiva ...etc, pero sinala que o que pasou no último pleno non debería volver a pasar e considera que estes funcionarios defenden os intereses do Concello e están ao marxe do debate político polo que non vai a consentir que se faga ningunha alusión a eles e expulsará do pleno a quen o faga xa que cada un debe representar o rol que lle corresponde.

A Presidencia declara aberta a sesión, en primeira convocatoria, procedéndose a tratar os puntos da Orde do Día.

#### 1.-APROBACIÓN, SE PROCEDE, DA ACTA DA SESIÓN ANTERIOR

Por parte da concelleira Pérez Orge indícase que na páxina 35 parece estar erróneamente recollida a votación do apartado 1º da moción 10.2.1 na que se fai constar que os votos a favor foron 10 cando o correcto é 19. Por parte do concelleiro Varela Couñago pídese que na sua intervención da páxina 37, en relación á moción 10.2.2. se recolla a cifra exacta do orzamento para emerxencias no presuposto que é de 298.447,92 euros.

Aceptadas as anteriores rectificacións o Pleno do Concello, en votación ordinaria e por unanimidade dos/as seus membros, sendo vinteún votos a favor (10 do PP, 8 do PSdeG-PSOE, 2 do BNG, e 1 de AER), acorda prestar aprobación á acta da sesión celebrada con carácter ordinario o día 30 de novembro de 2011.-

#### 2.-DAR CONTA DE EXPEDIENTE DE MODIFICACIÓN DE CRÉDITO.

Infórmase do seguintes expediente administrativo de modificación de crédito:

-26/11, aprobado por Resolución da Alcaldía de data 1.12.2011 mediante transferencia de crédito por importe de 800 euros, segundo detaie que obra no expediente.

Non se formulan observacións e o Pleno do Concello queda informado dos expedientes administrativos de modificación de crédito anteriormente relacionados.

### 3. ADOPCIÓN ACORDO SOBRE EXPROPIACIÓN PARA OBRA CAMIÑO DE COSTOIA.

#### ANTECEDENTES

Proposta da Comisión de Cultura, Turismo e Patrimonio que, transcrita, dí:

Vista a proposta do Presidente da Comisión de Cultura, Turismo e Patrimonio que transcrita dí:

"Emítese o presente a requerimento do Alcalde en relación a sendos escritos presentados no expediente de referencia, sobre o que reaeu o último acordo plenario o pasado 01.06.2011 resolvendo os recursos de reposición presentados contra o acordo de aprobación da relación de bens a expropriar.

1) Un dos escritos o presentado por ERUNDINA LÓPEZ CASTRO, refirese a un posible erro material xa que aduce que a estimación do seu recurso implica necesariamente a modificación da superficie a expropriar que no seu caso sería de 336 m<sup>2</sup> no lugar de 325 m<sup>2</sup>, tal e como figuraba no acordo plenario.

A este respecto, unha vez examinado o expediente, cómpre sinalar que, efectivamente, na relación de bens formulada polo técnico autor do proxecto e aprobada polo pleno do Concello figuraban, tal e como aduce a interesada, dúas fincas de 330 e 6 m<sup>2</sup> respectivamente, polo que a superficie total é de 336 m<sup>2</sup>.

Visto o artigo 105.2 da Lei 30/1992 de 26 de novembro de Réxime Xurídico das Administracións Públicas e do Procedemento Administrativo Común (LRXAP) resulta que o Concello, este caso a corporación, pode rectificar en calquier momento de oficio ou a instancia dos interesados os errores materiais, fe feito ou aritméticos existentes nos seus actos.

A tal efecto considérase necesario que polo pleno se proceda a rectificación do acordo adoptado nos termos expostos.

2) O segundo escrito, presentado por JOSE JAVIER GIL CARRERA, non aporta ningún elemento novo que non poidera ter aportado ao longo da instrucción do expediente, no que se resolveron todas as alegacións formuladas polo mesmo. Así que non sendo xa o acordo adoptado susceptible de recurso, non procede a sua reconsideración neste intre ao non tratarse, como no caso anterior dunha rectificación de erros pura e simple, debendo ser, no seu caso a xurisdicción contencioso-administrativa a que resolva a cuestión".

Aos efectos de proseguir coa tramitación do expediente, teño a ben propor ao pleno do Concello, previo ditame da comisión informativa, a adopción do seguinte acordo:

Rectificar o erro existente no apartado 3 do acordo adoptado polo pleno do Concello o 01.06.2011 expresando que a superficie a expropriar en relación á finca nº 13 é de 330m<sup>2</sup>, e incluir a finca nº 14 con 6 m<sup>2</sup>, polo que a superficie total a expropriar a ERUNDINA LÓPEZ CASTRO é de 336 m<sup>2</sup>."

Sometido o asunto a votación, a Comisión Informativa de Cultura, Turismo e Patrimonio, en votación ordinaria e por marioría dos/as Sres./as concelleiros/as, sendo catro voto a favor (do PP) e cinco abstencións (3 do PsdeG-PSOE, 1 do BNG e 1 de AER), dictaminou favorablemente a Proposta transcrita.

Nembargantes, o Concello Pleno, resolverá.

#### VOTACIÓN E ACORDO

Sometido o asunto a votación, a Corporación en votación ordinaria e por unanimidade dos asistentes sendo vinteún votos a favor (10 do PP, 8 do PS de G-PSOE, 2 do BNG e 1 de AER) acordou aprobar nos seus propios terminos a proposta nos antecedentes transcrita.



(Sinatura do Presidente)

Folio N.º .....

Serie A N.º 1179532

UNUMERADO  
PORACIONES  
LOCAIS

## 4. ADOPCIÓN ACORDOS SOBRE RECTIFICACIÓN FIANZA KIOSCO.

ANTECEDENTES

Proposta da Comisión de Cultura, Turismo e Patrimonio que, transcrita, di:

Vista a proposta de Alcaldía, que transcrita di:

"En data 25 de agosto de 2011, polo Concello Pleno acordouse acepta-la renuncia e proceder a declarar resolto o contrato de arrendamento do kiosco sito na Alameda nº4 formalizado con MARÍA LORETO COSTAS GARCIA e o Concello de Redondela o 15.04.2011.

Así mesmo acordouse non proceder á devolución da garantía por canto aplicarase á indemnización que correspondería á administatación por mor de dita resolución inilateral e polo incumprimento do contrato.

Resultando que nos antecedentes do do acordo Plenario cometese erro involuntario o sinalar a cantidad de 677,50 € como fianza depositada, cando na carta de pago da constitución da fianza definitiva, obrante no expediente, expedida pola Tesourería municipal en data 31/03/11, consta a cantidad de 577,50 €.,

Visto o artigo 105.2 da Lei 30/1992, de 26 de novembro de acordo co cal as administracións públicas poden rectificar en calquer momento, de oficio ou a instancia dos interesados, os errores materiais, de feito ou aritméticos existentes nos seus actos.

Na súa virtude, esta Alcaldía, ó Pleno do Concello, propón a adopción dos seguintes acordos:

**PRIMEIRO.-** Salvar o erro involuntario cometido, no acordo Plenario de data 25 de agosto de 2011, o sinalar a fianza constituída con motivo do arrendamento do kiosco sito na Alameda nº 4, na cantidad de 677,50 € cando na carta de pago expedida en data 31/03/11 consta 577,50 €.

**SEGUNDO.-** Incautar, con motivo da resolución do contrato de arrendamento do kiosco sito na Alameda nº 4, a fianza constituída por importe de 577,50 €, "

Sometido o asunto a votación, a Comisión Informativa de Cultura, Turismo e Patrimonio, en votación ordinaria e por unanimidade dos/as Sres./as concelleiros/as, dictaminou favorablemente a Proposta transcrita.

Nembargantes, o Concello Pleno, resolverá.

VOTACIÓN E ACORDO

Sometido o asunto a votación, a Corporación en votación ordinaria e por unanimidade dos asistentes sendo vinteún votos a favor (10 do PP, 8 do PS de G-PSOE, 2 do BNG e 1 de AER) acordou aprobar nos seus propios terminos a proposta nos antecedentes transcrita.

## 5. ADOPCIÓN ACORDOS SOBRE CONVENIO COA DEPUTACIÓN PROVINCIAL PARA REFORMA PAVILLÓN CHAPELA.

Visto o dictame da Comisión Informativa de Economía, Facenda e Desenvolvemento Local que, transcriso, di:

Pola Presidencia dase conta da súa proposta de data 22/12/2011 do seguinte tenor:

"Visto que a Deputación ten intención de asinar un convenio con este Concello pola que procederá a realizar obras no pavillón de Chapela por un importe total de 485.737,56 €. E como en dito convenio establecese que o Concello deberá achegar en dúas anualidades a cantidad de 139.352,81 €, tendo a natureza xurídica de transferencia de capital.

Vista que dita subvención é de carácter plurianual e que establece unhas cantidades que non se axustan en canto ás porcentaxes ó establecido na normativa local en cuanto a transferencias de capital plurianuais.

Consta o informe da Intervención Municipal, ASR-22.12.11.1 de data 22 de decembro de 2011"

En virtude do que antecede esta Presidencia, propón que a Comisión Informativa de Economía,



UNUM  
PORAC  
LOCAIS

Facenda e Desenvolvemento Local eleve ó Concello Pleno a seguinte proposta de acordo:

Que se proceda á aprobación do aumento da porcentaxe por parte do Pleno, para poder así proceder a sinatura do convenio coa Deputación Provincial para a adecuación e reforma do pavillón polideportivo municipal de Chapela.

Intervencións(...)

Votacións e dictame.-

A comisión informativa de economía, facenda e desenvolvemento local, en votación ordinaria, e coa maioría dos seus votos presentes, sendo oito votos a favor (4 do PP), (3) do PSdeG-PSOE, (1) do BNG e (1) abstención da AER, estimou oportuno dictaminar favorablemente a proposta da Presidenta anteriormente transcrita.

#### VOTACIÓN E ACORDO

Sometido o asunto a votación, a Corporación en votación ordinaria e por unanimidade dos asistentes sendo vinteún votos a favor ( 10 do PP, 8 do PS de G-PSOE, 2 do BNG e 1 de AER) acordou aprobar nos seus propios terminos a proposta transcrita.

#### 6. ACTIVIDADES DE CONTROL DE PLENO.

##### 6.1 DAR CONTA RESOLUCIÓNNS DA ALCALDÍA

O Concello Pleno queda informado do contido das Resoluciónns da Alcaldía dende o día 21 de novembro ata o 23 de decembro de 2011.

##### 6.2 MOCIÓNNS

###### 6.2.1. MOCIÓN CONXUNTA DE TODOS OS GRUPOS POLITICOS S/ VIOLENCIA CONTRA AS MULLERES

###### ANTECEDENTES

Moción asinada por todos os grupos políticos da corporación que, transcrita, dí:

Todos os grupos políticos con representación municipal no pleno do Concello de Redondela expoñen:

Dado a gravidade do problema que representa a violencia contra as mulleres, aumentando ano a ano o número de vitimas. No Estado español neste ano 2011 caseque 60 mulleres foron asasinadas e no noso país foron tres as mulleres que morreron a mans dos seus compañeiros.

ACORDO.

Na idea de facer reflexionar á sociedade e tratar así de visualizar este problema social que nos afecta a todos e todas propoñemos que en cada caso que teñamos coñecemento da morte dunha muller na nosa comunidade autónoma, fagamos que se active dende o departamento de Muller, no menor tempo posible o seguinte protocolo de medidas

1. Gardar nas sesións dos plenos un minuto de silencio o inicio da cada unha delas.
2. Emitir unha nota de prensa insitucional na que se faga rexeitamento destes actos e de solidaridade coas vítimas.
3. Convocar no menor tempo posible dende o Concello a veciñanza nunha concentración diante do edificio do concello para gardar un minuto de silencio.
4. Colocar nun lugar visible do edificio do Concello un lazo violeta como sinal de solidaridade coas mulleres víctimas. Utilizar tamén na páxina principla da web do concello un espacio no que sexa visible un lazo violeta por cada morte na nosa comunidade a causa da violencia contra as mulleres e colocar outro lazo na árbore Ginko Biloba, símbolo da loita contra a violencia contra as mulleres.

#### VOTACIÓN E ACORDO



( Sinatura do Presidente )

Folio N.º .....

Serie A N.º 1179533

Sometido o asunto a votación a Corporación en votación ordinaria e por unanimidade dos asistentes sendo vinteún votos a favor ( 10 do PP, 8 do PS de G-PSOE, 2 do BNG e 1 de AER) acordou aprobar nos seus propios terminos a moción transcrita.

## 6.2.2. MOCIÓN DE AER S/ APOIO A UNHA AGRICULTURA LIBRE DE TRANSXÉNICOS ANTECEDENTES

Moción da Agrupación de Electores de Redondela que, transcrita, di:

### "MOCIÓN DE APOIO A UNHA AGRICULTURA LIBRE DE TRANSXÉNICOS

A Agrupación de Electores de Redondela, recollendo a iniciativa do Grupo local de Esquerda Unida, recollendo a iniciativa trasladada pola Plataforma Galega Antitransxénicos, coñecedora dos riscos que para a biodiversidade e para a saúde supoñen a liberación de Organismos Modificados Xeticamente ao Medio Ambiente, consciente dos efectos irreversibles e imprevisibles que a contaminación xenética producirá nos ecosistemas, en defensa da aplicación do principio de precaución, propón en base ao artigo 19 do Regulamento Orgánico do Concello de Redondela e ao artigo 97 do Regulamento de Organización, Funcionamento e Réxime Xurídico das Entidades Locais, a seguinte MOCIÓN, para o seu debate, e no seu caso, aprobación no vindeiro Pleno Ordinario.

#### EXPOSICIÓN DE MOTIVOS

Os organismos modificados xeneticamente (Oxm's) obtéñense mediante a enxeñería xenética, que permite crear plantas, animais e microorganismos manipulando os seus xenes.

Nos últimos anos, esta técnica foi empregada pra tentar introducir novas características nos cultivos e, dende hai pouco máis dunha década, seméntanse nalgúns países variedades modificadas xeneticamente (Oxm's), principalmente soia, millo, algodón e colza.

Por outra parte, os coñecementos científicos actuais non son suficientes pra predicir con exactitude tódalas consecuencias da manipulación do novo organismo no que se introduciron xenes estraños, nin a súa evolución e interacción con outros seres vivos unha vez liberado un Oxm's ao medio ambiente.

Tras once anos de cultivo, comprobouse que as sementes modificadas xeneticamente non reportan os beneficios prometidos pola industria biotecnolóxica.

Contaminacións xenéticas por produtos químicos.

Perigo para a biodiversidade silvestre e agrícola.

Erosión dunha agricultura e alimentación libres de transxénicos.

Danos a labregos e labregas por perda de mercados.

Conflitos entre labregos e labregas.

Expulsións do ciclo produtivo dos labregos e das labregas de menor escala.

Os impactos sobre o medio ambiente están cada vez más documentados:

Contaminacións de especies silvestres emparentadas.

Redución da biodiversidade.

Contaminacións químicas do solo e dos acuíferos.

O emprego da enxeñería xenética na agricultura non pode considerarse unha simple ferramenta de producción. O debate sobre os cultivos MX vai moito máis alá da mera aplicación dunha tecnoloxía nova, e plantexa certas cuestións éticas ca sociedade non pode eludir.

No Estado Español cultívanse arredor de 77.000 Ha de cultivos MX, sendo o líder europeo no mesmo, tamén un dos principais exportadores deles.

1. Os organismos xeneticamente modificados non contribuíron a aliviar a pobreza nin a fame no



NUM  
POR  
LOCA

mundo. Ao contrario, as aplicacións comerciais da biotecnoloxía na agricultura están aumentando a fenda que separa a pobres e ricos. A maior parte das colleitas de cultivos MX destíñanse á alimentación gandeira, é dicir, para satisfacer o consumo de carne dos países ricos.

2. Ao igual que no conxunto dos europeos, unha maioría da poboación oponse aos alimentos transxénicos. Temos dereito a saber o que consumimos e a decidir sobre elo, así esa decisión sexa ideolóxica, política ou ética.

3. Redución no uso de produtos tóxicos, as plantas tolerantes ao herbicida permiten aos labregos usar grandes cantidades dos mesmos, a aparición de resistencias nas "malas herbas", obriga a incrementar o uso dos agrotóxicos, é dicir mais ganancias para as grandes multinacionais dos agrotóxicos.

4. Creación de alimentos con maior calidade nutricional e terapéutica. Ao día de hoxe ningún Oxm's contén ditas características, máis créanse incertezas e ameazas para a nosa saúde coma: novas alerxias, toxicidade como danos nos riles e anomalías nos glóbulos brancos, resistencias a antibióticos, acumulación de agrotóxicos...

O mercado transxénico apóiese na obtención de patentes e no cobro de dereitos sobre a utilización das sementes. Está en xogo nada menos co control da agricultura e a alimentación nunhas poucas mans. Esiximos o dereito a Soberanía Alimentaria, entendendo como tal o dereito a elixir sobre que tipo de alimentación queremos consumir, quen a vai producir, como e onde se vai cultivar e na elección das políticas agrarias que nos afectan como Pobo.

A soberanía e a nosa seguridade alimentaria dependen da nosa biodiversidade e da riqueza dos nosos pobos coma consecuencia da sabedoría e os coñecementos transmitidos de xeracións en xeracións.

O mantemento dunha agricultura libre de transxénicos é indispensable perante dos moitos interrogantes en termos de rendemento, de problemas ambientais, ou de saúde, dos cultivos manipulados xeneticamente.

De aí a esixencia irrenunciable de que se aplique o principio de precaución e a Cláusula de Salvagarda. Dita cláusula está prevista no articulado 23 da Directiva 2001/18/CE. Fixa que, se un estado ou rexión dispón de nova información que certifica que un determinado transxénico supón riscos para a saúde humana e o medio ambiente, poderá restrinxir ou prohibir provisionalmente no seu territorio o uso ou a venda do mesmo.

Non esquezamos que a declaración universal dos dereitos humanos considera a alimentación e ao benestar nutricional como un derecho fundamental das persoas.

O mundo necesita enfoques agrícolas sostíbeis, é hora de que os gobernos e os especialistas adiquen as súas enerxías e recursos a desenvolver tecnoloxías e políticas compatíbeis coa protección do medio ambiente, unha producción segura e de calidade, un reparto xusto entre tódolos seres humanos e por suposto unha clara información os/as cidadáns.

Os/as cidadáns endexamais demandaron alimentos transxénicos, nin os demandan hoxe en día.

A declaración de "Zona Libre de Tranxénicos" é un acto simbólico de rexeitamento por parte de concellos, deputacións provinciais ou comunidades autónomas, ao cultivo de Organismos Modificados Xeticamente. As administracións, a través da "Zona Libre de Transxénicos" teñen unha ferramenta para protexer o seu medio ambiente, a saúde dos seus cidadáns e a calidade dos seus produtos agrícolas, así como a súa biodiversidade. En Galiza temos concellos que xa amosaron a súa desconformidade con este tema, declarándose Zonas Libres de Transxénicos como son os casos de:

Lalín, O Grove, Silleda, Santiago de Compostela, Irixo, Chantada, Val do Dubra, Ames, Teo, Negreira, Riotorto, Verín, Forcarei, Ribadavia, Allariz e más recentemente Mesía, Zas, Laxe, Salceda de Caselas, Gondomar e Cabana de Bergantiños.

Por todo o anteriormente exposto, propomos ao Pleno do Concello de Redondela a adopción do seguinte ACORDO:



(Sello da Corporación)

(Sinatura do Presidente)

Folio N.º ..... 174

Serie A N.º 1179534

Declarar o concello de Redondela coma Zona Libre de Transxénicos, recollendo os seguintes aspectos:

1. Debátase a situación dos ensaios con millo transxénico en Galicia e se posicionen contra do cultivo de millo transxénico e doutras plantas xeneticamente modificadas, tanto para venda como para autoconsumo (animal e/ou humano) nas propias explotacións, así como sobre as posibles parcelas de cultivo experimental.
2. Acorde facer pública a oposición deste Concello ao cultivo ao aire libre comercial ou experimental de millo transxénico e doutras plantas xeneticamente modificadas e aos alimentos transxénicos.
3. Acorde realizar as xestións necesarias ao obxecto de garantir que nos establecementos dependentes deste Concello non se expendan ou sirvan comidas ou bebidas que conteñan entre os seus ingredientes OMXs ou os seus derivados.
4. Acorde promover que os establecementos privados de venda de alimentos sitos no termo municipal non sirvan ou vendan alimentos modificados xeneticamente ou produtos derivados.
5. Acorde ditar as disposicións necesarias ao obxecto de que as Ordenanzas municipais declaren actividades insalubres e nocivas non autorizables, conforme o planeamento urbanístico, en parte algunha do termo municipal, as probas de campo con sementes ou calquera outra liberación intencionada de organismos modificados xeneticamente con fins experimentais.
6. Acorde declarar a semienteira de variedades comerciais de sementes modificadas xeneticamente mediante técnicas de ADN recombinante, actividade insalubre e nociva, e en consecuencia sometida ás obrigacións xenéricas legalmente previstas.
7. Acorde solicitar ao Consello do Goberno de Galicia que inicie os trámites normativos necesarios para conseguir que Galicia sexa un dos territorios da UE libre de cultivos transxénicos.
8. Acorde trasladar as decisións tomadas ao Ministerio de Medio Ambiente, Medio rural y Mariño, á Consellería de Medio Rural e de Medio- Ambiente, Territorio e Infraestruturas da Xunta de Galicia.
9. Tomar todas as medidas necesarias para facer respectar este acordo"

#### INTERVENCIÓN

O concelleiro González Campo dí que están totalmente de acordo coa moción que prantexa un problema importante a nivel mundial. Refírese ás conveniencias dos mercados e sinala que no seo da UE hai zonas libres de tranxénicos ás que se adhieren numerosos concellos formando unha rede. Considera que os tranxénicos se crean para crear máis fame e non resolven problemas atentando contra o dereito de todos os pobos a decidir sobre os seus recursos alimentarios. Dí que o panorama é desolador xa que en zonas extensas do terceiro mundo haberá árees cultivadas sen que deixen ningún proveito aos seus cidadáns que non poden tomar ningunha decisión sobre as mesmas, creando máis desigualdade. Dí que suporía un deterioro de especialidades autóctonas moito más doadas.

O concelleiro Orge Míguez dí que tamén van a apoiar a moción e deixan constancia de que os puntos 5 e 6 para declarar esas actividades como nocivas ou insalubres cecais non se pode aplicar porque non son actividades ilegais polo que habería que estar ao informe xurídico pertinente. Ás entidades privadas só se lles pode recomendar que non as utilicen. Nembargantes poderíase poñer énfase nos comedores escolares.

O concelleiro Pazos Couñago dí que comparten o espíritu da moción ainda que non saben cómo se podería dar cumprimento ao punto 1 e acepta que pode haber problemas xurídicos cos puntos 5 e 6. Considera que non se pode xogar coas cousas de comer.

O concelleiro Varela Couñago dí que a moción foi redactada por Esquerda Unida. Está de acordo en quitar o punto 1 e modificar o nome do ministerio no punto 8 e en introducir o dos comedores no punto 2.



## VOTACIÓN E ACORDO

Sometido o asunto a votación, a Corporación en votación ordinaria e por unanimidade dos asistentes sendo vinteún votos a favor ( 10 do PP, 8 do PS de G-PSOE, 2 do BNG e 1 de AER) acordou aprobar nos seus propios terminos a moción transcrita coas modificacións suxeridas polo voceiro de AER polo que o acordo adoptado queda como sigue:

1. Acorde facer pública a oposición deste Concello ao cultivo ao aire libre comercial ou experimental de millo transxénico e doutras plantas xeneticamente modificadas, e a oposición aos alimentos transxénicos.
2. Acorde realizar as xestións necesarias ao obxecto de garantir que nos establecementos dependentes deste Concello non se expendan ou sirvan comidas ou bebidas que conteñan entre os seus ingredientes OMXs ou os seus derivados e particularmente nos comedores escolares.
3. Acorde promover que os establecementos privados de venda de alimentos sitos no termo municipal non sirvan ou vendan alimetros modificados xeneticamente ou produtos derivados.
4. Acorde ditar as disposicións necesarias ao obxecto de que as Ordenanzas municipais declaren actividades insalubres e nocivas non autorizables, conforme o planeamento urbanístico, en parte algunha do termo municipal, as probas de campo con sementes ou calquera outra liberación intencionada de organismos modificados xeneticamente con fins experimentais.
5. Acorde declarar a sementeira de variedades comerciais de sementes modificadas xeneticamente mediante técnicas de ADN recombinante, actividade insalubre e nociva, e en consecuencia sometida ás obrigacións xenéricas legalmente previstas.
6. Acorde solicitar ao Consello do Goberno de Galicia que inicie os trámites normativos necesarios para conseguir que Galicia sexa un dos territorios da UE libre de cultivos transxénicos.
7. Acorde trasladar as decisións tomadas ao Ministerio de Agricultura, Alimentación e Medio Ambiente, e ás Consellerías de Medio Rural e de Medio Ambiente, Territorio e Infraestruturas da Xunta de Galicia.
8. Tomar todas as medidas necesarias para facer respectar este acordo

### 6.2.3. MOCIÓN DE AER S/ SOLDOS DOS MEMBROS DA CORPORACIÓN

#### ANTECEDENTES

Moción da Agrupación de Electores de Redondela que, transcrita, di:

"Jorge Varela Couñago, concelleiro da Agrupación de Electores de Redondela, en base ao artigo 19 do Regulamento Orgánico do Concello de Redondela e ao artigo 97 do Regulamento de Organización, Funcionamento e Régime Xurídico das Entidades Locais, presenta a seguinte MOCIÓN, para o seu debate, e no seu caso, aprobación no vindeiro Pleno Ordinario.

#### EXPOSICIÓN DE MOTIVOS

Tendo en conta o establecido na Lei 7/2007, do 12 de abril, do Estatuto Básico do Empregado Público. (Art. 21. 2):

Non poderán acordarse incrementos retributivos que globalmente supoñan un incremento da masa salarial superior aos límites fixados anualmente na Lei de Presupostos xerais do Estado para o persoal.

Sabemos que a referida lei vai dirixida aos funcionarios e contratados, pero non nos parece xusto que os políticos non se apliquen os axustes que si aplican aos empregados públicos. Sabemos que calquera proposta que fagamos de reducción non foi nin será aceptada, agás o que pasou no caso dos voceiros.

Temos como precedente o acordo do anterior goberno local respecto do incremento das retribucións dos membros da Corporación, axustando este incremento ao establecido nos Presupostos Xerais do Estado.



(Sinatura do Presidente)

Folio N.º ..... 175

Serie A N.º 1179535

Consideramos tamén que os incrementos porcentuais supoñen aumentar a desigualdade entre os que más cobran e menos cobran (por si non fuera bastante). Parécenos razonable que os incrementos sexan lineais, aplicando a porcentaxe ao soldo máis baixo e subindo esa mesma cantidade ao resto de membros da corporación.

Por todo o anteriormente exposto, a Agrupación de Electores de Redondela propón ao Pleno do Concello o seguinte acordo:

Que se modifique o acordo adoptado no Pleno do día 27/06/2011 respecto das retribución dos diferentes componentes da actual corporación, establecendo os Presupostos Xerais do Estado como referencia para o incremento, no seu caso, de ditas retribucións. O incremento será lineal, aumentando a todos os membros da corporación a mesma cantidade que se lle aplique aos concelleiros sen responsabilidade de goberno."

#### INTERVENCIÓN

A concelleira Pérez Orge di que esta moción xa se truxo por AER ao pleno do mes de agosto. Dí que falaron co Interventor para saber se pódese adoptar o acordo. Están de acordo. Pensa que se vai a haber unha conxelación do salario mínimo e dos funcionarios, debe facerse o mesmo cos dos políticos. Considera que na moción AER fai consideracións que non veñen a conto ao afirmar que a proposta non vai ser aceptada. Pensa que hai dous acordos: por un lado, o de tomar como referencia os presupostos do Estado e por outro o de establecer como se fai o incremento, caso de que o haxa.

O concelleiro Orge Míguez dí que non hai que esperar aos presupostos. Están a favor da conxelación dende xa.

O concelleiro Pazos Couñago dí que non están de acordo co corpo da moción porque deixa caer un velo sobre os concelleiros e parece que un está aquí por un tema de cartos e iso molesta. Non se aplican os criterios dos funcionarios porque sería máis antieconómico para o Concello e, por outra banda, todos os concelleiros non teñen nin a mesma adicación nin a mesma responsabilidade pero, por exemplo, non cobran horas extras. A proposta dí que se suba o mesmo aos concelleiros do goberno e aos da oposición. Considera que iso non é xusto xa que uns botan moitas horas e outros aparecen somentes aos plenos. É fácil ser xeneroso cos cartos dos demás polo que dí que se hai conxelación é para todos. Apoian que se conxelen os soldos dos concelleiros no ano 2012.

O concelleiro Varela Couñago sinala os incrementos que suporía para cadanxeu dos concelleiros do goberno e da oposición, comparativamente, co cal a diferencia se eleva de xeito exponencial e os que más gañan cada vez gañan máis.

A concelleira Pérez Orge di que non se está agora a debatir o salario dos políticos pero lle sorprende o que dí o voceiro do PP. Dí que as responsabilidades non son as mesmas pero ese discurso hai que mantelo sempre, igual que o facían os que gobernaban con anterioridade. Dí que están de acordo en que o Alcalde debe ter un soldo digno, cousa que non dicía o PP cando estaba na oposición. Indica que a actividade política é moi digna con independencia de que poida haber algunha xente que se deixe corromper e para atallar iso deben ter soldos dignos e transparentes. Considera doado conxelar para este ano e deixar acordado que se teña como referencia os orzamentos do Estado para anos sucesivos.

O concelleiro Orge Míguez di que o voceiro do PP criticou a moción e deu un xiro ao final ao apoiar a conxelación. Indica que cando entrou a gobernar o PP dixerón que non tiñan idea de cobrar pero agora falan de más responsabilidades que os demás. Están dispostos a asumilas se lles parecen demasiado gravosas.

O concelleiro Pazos Couñago di que dixo que non se poden equiparar funcionários e políticos porque son totalmente distintos e os funcionários cobran horas extras. Lembra que abarataron os gastos do goberno caseque un 33 por cento. Non parece xusto que se equipare aos que están traballando de forma permanente e os que veñen cinco horas ao mes. Insiste en que non lle parece doado equiparar a políticos e funcionários.

O concelleiro Varela Couñago pide que non fale de que hai concelleiros que só traballan unhas horas posto que eles están a traballar moito ainda que sexa fora do Concello. Insiste en que a suba, caso de habela, debe ser lineal.

#### VOTACIÓN E ACORDO

Sometido o asunto a votación, a Corporación en votación ordinaria e por 11 votos a favor (8 do PS de G-PSOE, 2 do BNG e 1 de AER) e 10 abstencións (PP) acordou aprobar nos seus propios terminos a moción transcrita.

#### 6.2.4 MOCIÓN DO PPS/ HOMAXE A CASTO SAMPEDRO

##### ANTECEDENTES

Moción do PP que, transcrita, dí:

D. José Alberto Pazos Couñago, en calidade de concelleiro do Grupo Municipal Popular, ao abeiro do artigo 97 del Regulamento de Organización, Funcionamiento e Réxime xurídico das Entidades Locales, formula, para sua discusión, e no seu caso aprobación no próximo Pleno Ordinario a celebrar, a seguinte

##### MOCION

UNICO.- O 15 de Novembro de 1848, naceu nesta vila Don Casto Sampedro Folgar. A figura deste ilustre redondelán destaca pola súa labor en prol da busca, conservación, estudo e difusión das fontes históricas, tanto de interés local coma galego, e na recuperación dun gran volume de material sobre o folclore do noso país, que daquela sufría unha perigosa tendencia ao esquecemento. Para iso valeuse da súa ampla formación humanística, en linguas clásicas, epigrafía, paleografía e música, canalizando toda a súa actividade a través da Sociedad Arqueolóxica de Pontevedra, da que foi o seu fundador e presidente.

A Sociedad Arqueolóxica de Pontevedra naceu en 1894 co pulo de destacados membros da vida pontevedresa. Na primeira xunta encontrábanse o médico José Casal y Lois, os escritores Rogelio Lois ou Luis de la Riega e o letrado Carmelo Castiñeira. Arredor da institución foise tecendo unha densa rede de colaboradores e correspondentes espallados por toda a rexión galega e unidos polo mesmo interese na recuperación da memoria histórica e cultural de Galicia. Debuxantes e fotógrafos dos que son exemplo significativo Enrique Campo, Federico Alcoverro, Francisco Zagala ou Lorenzo Novás complementaban coa súa obra gráfica as descubertas arqueolóxicas, os monumentos más salientables, as labras heráldicas das familias nobres e todo obxecto que puidese suscitar a atención dos compoñentes da Sociedade. Grazas a eles é posible reconstruír, por exemplo, a memoria visual de Pontevedra nun momento de fonda transformación urbana que fixo desaparecer moitos edificios emblemáticos da cidade.

Precisamente un deses edificios sentenciados a unha lenta morte ao longo do século XIX e salvado no último momento do seu derrubamento total polo empeño de Sampedro e outros colaboradores foron as ruínas de Santo Domingo, que se converteron deste xeito no «buque insignia» da Arqueolóxica, tanto polo seu valor histórico-artístico coma por seren o núcleo onde se concentraban e expoñían as coleccións de obxectos que a Sociedade conseguía rescatar do esquecemento.

Ademais da exposición de pezas nas ruínas, a difusión dos traballos da Arqueolóxica fixose por medio de publicacións. O carácter reservado e humilde de Casto Sampedro fixo que fose remiso a asinar os seus artigos, pero o seu traballo está detrás de obras tan significativas como os tres tomos de Documentos, Inscripciones, Monumentos... para la historia de Pontevedra, publicados entre 1896 e 1904, ou o Cancionero Musical de Galicia, que non vería a luz ata 1942. Este último foi o producto dunha longa recompilación do folclore popular galego iniciada polo mesmo Sampedro, quen despois pasou a coordinar as tarefas de músicos e musicólogos como Ramón Arana, Víctor Sáid Armesto ou Santiago Tafall. O que naceu primeiro como unha simple recollida de materiais por parte dos colaboradores pasou a tomar parte, por iniciativa de Víctor Sáid, no concurso convocado en 1909 pola Real Academia de Bellas Artes de San Fernando baixo o título de «Colección de cantos y bailes populares de una provincia española». O boletín da



CONCEYLO  
NUMERADO  
PORACIONES  
LOCAIS



( Sello da Corporación )

( Sinatura do Presidente )

Folio N.º ..... 176

Serie A N.º 1179536

devandita academia publicou o fallo do xurado o 31 de marzo de 1911 no que se lle outorgaba o primeiro premio a este traballo, que non se editaria ata trinta anos máis tarde.

Casto Sampedro viuse recompensado con cargos honoríficos como premio ao prestixioso labor en prol da investigación histórica do momento: Cronista da provincia, socio numerario fundador da Real Academia Galega, socio correspondente da Real Academia da Historia e presidente da Comisión Provincial de Monumentos.

A actividade da Sociedad Arqueológica foise debilitando co paso do tempo, a medida que foron desaparecendo moitos dos seus colaboradores máis activos. Non obstante, o seu espírito mantívose ata que en 1927 se aproveitaron os seus alicerces para fundar o Museo Provincial de Pontevedra, do que Casto Sampedro foi o seu primeiro director. Cunha nova xeración de historiadores e benfeiteiros encabezados polo novo José Filgueira Valverde, o Museo naceu xa cunha completísima colección de pezas herdadas da vella Sociedade e coa experiencia adquirida durante tres décadas.

Casto Sampedro morreu en Pontevedra o 8 de abril de 1937, cando lle faltaba pouco para facer os noventa anos de idade. En consecuencia, o vindeiro 8 de abril conmemoraremos o 75 aniversario do pasamento dun dos mais ilustres fillo desta vila de Redondela, entendendo que resulta oportuno e necesario celebrar esta efeméride,

por todo o anteriormente exposto,

#### PROPOÑO

Que polo Pleno do Concello de Redondela se tome o acordo de declarar o ano 2012 ano na memoria de Don Casto Sampedro, programando o Concello de Redondela distintos actos para homenaxear e promover a obra deste insigne redondelán.

#### INTERVENCIONES

O concelleiro Varela Couñago pregunta cal é o presupuesto e se vaise contar con todos os grupos políticos.

A concelleira Pérez Orge dí que están de acordo e que é importante dar a coñecer a vida e obra de redondeláns que tiveron importancia e que son grandes descoñecidos para a sociedade. Pide que se teña programación propia ao marxe da Deputación Provincial e que se descentralicen os actos e poidan chegar a todas as parroquias.

O concelleiro Orge Míguez di que apoian a proposta e piden que participen todos na programación dos actos.

O concelleiro Pazos Couñago di que non hai un orzamento concreto ainda que tentarán chegar a acordos con outras institucións. Van a facer unha programación propia e facer o posible porque chegue a todas as parroquias e fomentar a participación de todos os grupos.

#### VOTACIÓN E ACORDO

Sometido o asunto a votación, a Corporación en votación ordinaria e por unanimidade dos asistentes sendo vinteún votos a favor (10 do PP, 8 do PS de G-PSOE, 2 do BNG e 1 de AER) acordou aprobar nos seus propios terminos a moción transcrita.

#### 6.3. COMPARCENCIA SOLICITADA POLO PS DE G-PSOE

O concelleiro Orge Míguez formula ao efectos da comparecencia solicitada o seguinte:

Luis Orge Míguez, na sua condición de Voceiro do Grupo Municipal de Psdg-Psoe, comparece e, como mellor proceda EXPON:

Según a acta da Xunta de goberno da Deputación de Pontevedra do día 25 de novembro de 2011, aprobáronse distintas subvencións para os gastos de funcionamento dos conservatorios de música non dependentes da Consellería de Educación e Ordenación Universitaria e de titularidade pública, cuxas bases foron aprobadas en Xunta de goberno do 15 de xuño do 2011. Na relación de subvencionados, non se atopa o Conservatorio "Víctor Ureña" do Concello de

Redondela.

Xa que nos últimos anos o Conservatorio "Víctor Ureña" viña recibindo dita subvención,

#### SOLICITA

A COMPARCENCIA DO SR. ALCALDE, no Pleno da Corporación correspondente o mes de decembro do 2.011 para que explique a causa da perda da subvención do ano 2011 para gastos de funcionamento do Conservatorio de Redondela que viñabamos percibindo por parte da Deputación de Pontevedra.

O Alcalde sinala que foi un erro material dun traballador do Concello xa que se tramitaren as subvencións en tempo e forma e por un cúmulo de circunstancias no rexistro de saída se enviou somentes a da Escola de Música e non a do Conservatorio. Dí que a actitude do voceiro do PSOE non é constructiva xa que cando o grupo do PP detectou o erro se puso a subsanalo, a diferenza do deputado provincial que está na sua bancada que non fixo nada. A Deputación nos concede hoxe 15.000 euros. Pídelle que non volva a utilizar un erro dun funcionario para sacar rendemento político.

Por alusións o concelleiro Reguera Ocampo dí que enterouse ao mirar a acta da Xunta de Goberno da Deputación pero o que está nesa Xunta e no consello escolar do Conservatorio, ao que non vai, é o señor Pazos que tivo que facer un seguemento desa subvención.

#### 10.3.ROGOS E PREGUNTAS

Polo voceiro da Agrupación de Electores de Redondela formúlanse as seguintes :

1) Despois de que na comisión de seguimento das obras do AVE do 23/11/11 o alcalde aceptara a proposta de AER de valorar os danos e perdidas sufridas polo concello como consecuencia de ditas obras, nas que se incluirían horas de traballo de operarios municipais e custos de limpeza, desatuamiento de infraestructuras, así como a realización das actuacións necesarias para identificar adecuadamente os impactos ambientais que puideran estar directamente causados polas obras, coa finalidade de esixir a súa restauración.

Empezaron cuantificar estes danos e perdidas e identificar estes impactos ambientais para poder reclamar aos responsables da obra as cantidades económicas correspondentes e as actuacións ambientais necesarias?

2) Hai hoxe 3 meses, aquí mesmo preguntabamos en referencia o Camiño do Penisal e os seus anexos en Chapela "Que están facendo vostedes para que esta obra sexa rematada no menor tempo posible? Teñen pensado pedir algún tipo de compensación polos tremendos danos colaterais que están causando?" Contestaron que nunha semana máis o menos estarían os obreiros solucionando o problema. Á vista de todos está que iso non foi certo. No Consello Parroquial de Chapela o dia 3 de Novembro, o representante do Concello dixo que o luns seguinte, dia 7, os obreiros virían solucionar o problema. É certo que os obreiros viñeron ese mesmo luns, pero para sorpresa, esos obreiros non están a solucionar a desfeita anterior, senón que están continuando coa desfeita polos anexos ao Camiño do Penisal que anteriormente non foran tocados. Si, sabemos que a obra non é responsabilidade directa do Concello, que hai denuncias de Fomento, etc... pero isto está a suceder nunha parroquia deste concello e nun camiño que é ruta habitual dos rapaces/as pra ir o I.E.S.P de Chapela.

Van exixir que acaben o que empezaron hai xa máis de 3 meses e non remataron antes de seguir deixando case intransitables máis camiños? Teñen pensado pedir algúna compensación a quen corresponda polos perxuízos causados?

3) A Agrupación de Electores de Redondela, como xa demostrou en repetidas ocasións, aposta pola transparencia e a claridade nas actuacións tanto administrativas e de xestión coma nas de orde político.

Na campaña electoral das pasadas eleccións municipais, pra ser exactos, no debate celebrado no multiusos da Xunqueira, a número un e líder do BNG de Redondela (Cecilia Orge) realizou unhas acusacións moi graves sobre certas maneiras de actuar do entón cabeza de lista do PP e



L NUMERADO  
PORACIONES  
LOCAIS



(Sinatura do Presidente)

Folio N.º ..... 177

Serie A N.º 1179537

hoxe alcalde (Javier Bast). Simplificando, o que viñan a dicir as acusacións era que se estaban ofrecendo postos de traballo a cambio de votos.

A falta de que algún dos implicados dea a súa explicación, e dado o compromiso público adquirido, entendemos que lle deben á ciudadanía unha resposta ou aclaración, ocórrensem dous opcións que non son nada boas para este Concello:

- 1) Ou unha persoa se aproveitou da súa posición para negociar votos por favores, coa gravidade que iso conleva.
- 2) Ou unha persoa utilizou a mentira e intentou enganar ó pobo de maneira sucia para conseguir intereses electorais.

Calquera das dous opcións nos parece deplorable e merecedora de esixir responsabilidades. Agardamos que ámbalas partes nos amosen outra explicación máis tranquilizadora e nos demostren que estas hipóteses eran erradas.

Polo dito anteriormente nos diriximos o alcalde de Redondela:

Sería tan amable de informar á ciudadanía do estado actual desta situación?

Jorge Varela Couñago, concelleiro da Agrupación de Electores de Redondela, en base ao artigo 39 do Regulamento Orgánico do Concello de Redondela, presenta o seguinte ROGO.

Respecto á estrada N-555 (Redondela-Peinador), rogamos que se dirixa ao Ministerio de Fomento para reclamar a construcción de beirarrúas na mesma, para evitar que os veciños de Cedeira e Negros, que nos levan reclamando esta actuación, arrisquen as súas vidas para acceder camiñando a Redondela. Recordarle ao alcalde que esta é unha necesidade urxente debido a alta densidade de tráfico que soporta esta estrada, acrecentada ademais co aumento do tráfico pesado dende que comenzaron as obras do AVE, a existencia de varias paradas de autobús a que acoden numerosos escolares e a que xa se produciron accidentes mortais. Tamén rogamos que reclamen ao Ministerio de Fomento un paso de peóns na rotonda da intersección da N-550 coa N-555 pra facilitar o cruce dos peóns que proceden de Negros e Cedeira.

#### RESPOSTAS

- 1) O concelleiro Pazos Couñago dí que xa se empezou a facer o traballo.
- 2) O concelleiro Pazos Couñago di que se está a intentar que a obra se remate canto antes. Sinala que non podemos pedir compensacións porque o erro foi do Concello ao deseñar a obra e ainda que cambiara o goberno o Concello é o mesmo. A financia a Deputación totalmente e non teñen a culpa de que non se tiveran en conta certas cousas.
- 3) O Alcalde dí que xa informou a algúns grupos e segue a manter que as acusacións foron falsas. Fixo xestións para por unha denuncia pero os abogados lle dixerón que tratándose de acusacións realizadas no seo dunha campaña electoral non prosperaría, porque non se consideran apreciacións delictivas. Sinala que non se contratou a nadie a dedo e que apoíaron unha moción para crear unha comisión para a selección do persoal, o que indica que os feitos desminten o afirmado.
- 4) En canto ao Rogo, O Alcalde dí que remesaron un escrito ao Ministerio de Fomento no mes de outubro do que facilita copia aos grupos políticos.

Polo concelleiro Varela Couñago formúllase unha última pregunta que, transcrita, di:

Señor Alcalde, o equipo de goberno comunicounos que antes de fin de ano habería unha proposta firme pra solucionar o problema que ten o Servizo de Emerxencias en Redondela.

Estamos a 29 de decembro, e que saibamos non deron ningunha información ao respecto. Por outra banda, esta corporación chegou no pasado mes a un acordo plenario pra poder solventar o problema de xeito provisional mentres non teñamos unha solución definitiva. Ao que o seu voceiro argumentou que os servizos técnicos non consideran legal dito acordo.

Témolo pedido de palabra e por rexistro, e non nos facilitan estes informes que revelen a

ilegalidade de tal acordo plenario.

Non podemos agardar pasivos esta decisión política en concreto, xa que a realidade é que seguen ocorrendo desgrazas que poden custar a vida de persoas.

Por todo o exposto PREGUNTAMOS:

Son conscientes tanto vostedes como os servizos técnicos do Concello de que en cada accidente que ocorre en Redondela e ao que non acude ningún profesional do Servizo de Emerxencias, o Concello está a incorrer nunha ilegalidade non prestando aos cidadáns un servizo que por lei nos corresponde?

O Alcalde sinala que dita pregunta será respondida no seguinte pleno.

E, non sendo outro o obxecto da presente sesión, pola Presidencia dase por rematado o acto, sendo as vinteunha horas e vinte minutos do día expresado no encabezamento de todo o que como Secretaria dou fe.-

ilegalidade de tal acuerdo plenario

No podemos agardar pasivos esta decisión política en concreto, xa que a realidade é que seguen ocorrendo desgrazas que poden custar a vida de persoas

Por todo o exposto PREGUNTAMOS:

Non podemos agardar pasivos esta decisión política en concreto, xa que a realidade é que seguen ocorrendo desgrazas que poden custar a vida de persoas

O Alcalde sinala que dita pregunta

E, non sendo outro o obxecto da presente sesión, pola Presidencia dase por rematado o acto, sendo as vinteunha horas e vinte minutos do día expresado no encabezamento de todo o que como Secretaria dou fe.-

## DILIXENCIA

Nº 24. Dílxencia de Galicia.

Para facer constar que o presente Libro de Actas do Concello Pleno, péchase coa transcripción da sesión celebrada con carácter ordinario o dia 29 de Decembro de 2011, rematando a mesma no folio nº 177, dos 177 que son os que componen o presente Libro, dende o folio N° 001 do Papel Timbrado da Comunidade Autónoma de Galicia, Serie A, Nº 1179361 ó folio N°177, Serie A, Nº1179537.

Non podemos agardar pasivos esta decisión política en concreto, xa que a realidade é que seguen ocorrendo desgrazas que poden custar a vida de persoas

Redondela, 29 de Decembro de 2011. Servizo que nos corresponde.

A Secretaria Xeral

Ana Begoña Merino Gil